


T.2257.7/0230

2

8



1891 10 10

前久至正以六朝及文須 諸准書冊立計
向奉天殿其侍班惟用修撰編修檢討等官
是日以其例殿後對同其滿於中糾儀御史等官
散初儀走入 殿後對同其滿於中糾儀御史等官
奉天殿內北 殿後對同其滿於中糾儀御史等官
上陞齊奉天殿內北 殿後對同其滿於中糾儀御史等官
向與中書 殿後對同其滿於中糾儀御史等官
東宮千 殿後對同其滿於中糾儀御史等官
向奉天殿內北 殿後對同其滿於中糾儀御史等官

OCT 26 1961

哈佛大學漢和
圖書館珍藏印

聖節冬至正旦大朝賀及頒 詔進書冊立冊封始
御 奉天殿其侍班惟用修撰編修檢討等官四員
是日早具朝服履鞋同導駕給事中糾儀御史等官
鼓初嚴先入循殿旁至華蓋殿前候 駕出鴻臚寺
奏執事官行禮禮畢即趨出復從殿旁趨入
奉天殿內北向立後雙炬自中前導 駕至
上陞寶座導駕官分東西立即趨至 寶座之東西
向與中書舍人對立候行禮畢自殿門以次趨出若
東宮千秋節及冬至正旦朝賀亦用修撰等官二員
與春坊司經局官對立侍班於文華殿行禮云

奏事

洪武三年七月己亥禮部尚書崔亮奏凡諸儒官於御前奏事或進呈文字退立二三步毋輒近御案凡立必於東西隅不得直前制曰可永樂四年令六部及近侍官有事當商略者皆於晚朝陳奏景泰二年令午朝翰林院先奏事學士周叙嘗上疏曰臣職叨班行伏見永樂洪熙宣德三朝臨御大班既退即於門上說事各衙門官輪流向前君臣相與商確政務罄盡所言人懷畏憚而事幾不泄成密勿廟堂之美自正統以來王振擅權獨立在旁於是輔弼

大臣及近侍官員不得召對亦不敢盡言以致釀成今日之禍宜令群臣依舊制輪流向前說事止與敷對者令知他人不得預聞庶得吐露肝膽而不宣泄於外然竟莫能行今按楊士奇所錄曰翰林諸臣奏事退如此之類不一而足

今上召問大臣多於文華進講後或御無逸殿及太高玄殿嘗問輔臣李時曰道南欲令同鼎臣教庶吉士何如時對曰宋仁宗欲用蘇軾典制韓琦以爲太早今道南才識俊茂須久養之大用未晚

上曰朕御書文簡公道南編纂時曰然他日輔臣薦

余光有才

上曰余光未必如道南卿何以此對後御咸陽宮
聖諭曰禮部覆道南廟議何乃堅執遂唯唯而退

便殿

國初信用儒臣謁見無時每出御奉諸門有奏事
常規退御便殿有特以事入詣奏者許徑入洪武
二十九年五月戊寅命詹事府翰林院尚寶司中書
舍人六科給事中儀禮司於午門內入者各給牌爲
驗已而罷之使近侍官得日至便殿奏事永樂二十
二年八月楊士奇新改華蓋殿大學士謝恩畢聞析

薪司奏准北京山東棗薪八十萬供宮中香炭之用
士奇入將奏之時蹇義夏原吉奏事未退

上望見士奇笑謂蹇夏曰新華蓋學士來奏事必有
理試共聽之士奇言詔下裁兩日今聞析薪司傳
旨賦棗八十萬得無過多雖是歲例然詔書所減除
者皆歲例

上喜曰吾固知學士言有理吾數日來宮中事叢脞
此是急遽中答之不暇致審即命減除四十萬景泰
中侍講劉定之抗疏言凡政事有早朝未及決者宜
曰御便殿使近臣侍於側大臣奏於前言官察其邪

正而加糾彈史官書其言動以示懲勸君臣之間詢謀互相可否以求至當此前代故事

祖宗成法也遵而行之則剖決萬幾日益以熟審察百官日益以明聖政益新天命益隆矣若乃仍如前日無事但以奏本進入擬旨批出臣恐偏聽生奸獨任成亂治化無由時雍也疏上不省今按

聖祖時出入禁御以至臨朝侍臣無從者有所擬議欲修播告則翰林院官承旨草制中書舍人當御膳寫謂之副墨尚寶官用寶即時發行若有檢邪在側或事當叅駁則六科給事中十三道御史抗

聲於御前執奏謂之對仗彈劾云

入直

洪武永樂洪熙宣德四朝近侍官輪班入直若本院官則日在館閣吳況劉三吾胡廣楊士奇胡儼王英王直輩嘗有內直倡和詩會祭東華門內新館初成入直有作云東華樓觀鬱岩堯高閣新成抗碧霄秘府圖書金作櫝御溝流水玉爲橋草分碧色承殷輅鳥弄歌聲和舜韶當直幾番清坐久隔簾時有御香飄蓋當時

車駕嘗臨幸館閣故也不獨宣召燕對與供奉文字

而已

宿直

洪武三年剖符封功名命學士宋濂議五等封爵宿大本堂討論達旦永樂中內閣七人者常召至燕寢論事或命假昧至達旦始出

成祖出狩崩于榆木川

仁宗命尚書蹇義夏原吉學士楊榮楊士奇侍讀王直侍講王英同定 大喪禮議國政宿內閣者凡七日

今上御西苑仁壽宮命內閣大學士入宿延和門內

房

侍遊

聖祖製大誥首以君臣同遊為言故當時儒臣每侍上遊觀禁苑凡亭樓臺閣靡不登眺以通上下之情成地天交也學士宋濂嘗侍游後苑觀獲

上曰農事成矣對曰國以民為本民以食為天陛下知稼穡之艱難念生民之疾苦實盛德也洪武六年正月丙午

上御武樓召御史中丞陳寧太子贊善大夫宋濂賜坐左右談嘉祥之應 勅中使人取所儲膏露於宮

中盛以翠巒玉潔珠圓世所未覩已而昇鑿罍至用
金杓煉水二升火既勻水勢成濤

上起自龍帳中親啓巵以投須臾融化與水爲一
上取杓傾瀉二內侍舉幕承之渣滓已靜重漉以絳
紗囊

上飲一爵而分賜寧與濂焉且曰此天地至和所凝
也卿等服之去沈疴享遐齡矣寧等飲畢首爵於几
頓首而退賦甘露漿詩以侈其榮濂所陳說不爲隱
蔽嘗曰君猶父也天日其可欺邪一日

上問曰卿昨飲酒座客爲誰饌爲何物濂悉以其實
對

上笑曰卿飲時朕令人視之果如卿言卿信不欺我
久益厚之每燕見必命坐賜茶每日令侍膳詢訪舊
章講求治道或至夜分乃退永樂中學士解縉胡廣
等七人每令節燕間陪 駕幸東西二苑登萬歲侍
宴廣寒殿泛大液以爲常多爲歌詩以紀之

宣宗時宸遊尤多宣德七年七月

上登萬歲山坐廣寒殿召翰林儒臣侍命周覽都畿
山川形勢即畢

上諭以元興之故曰茲山茲宇順帝所日宴遊者也

豈不可感侍臣叩首曰紂之荒周之監也又嘗召遊
太液池

上親射鳧獲之命以羞侍臣

英宗復辟始命諸大臣同遊天順三年十月十日內
閣學士李賢彭時呂原扈駕校獵南海子海子距
城南二十里方百六十里闢四門繚以崇墉中有水
泉三處獐鹿雉兔育其中籍海戶千餘家守視每獵
海戶合圍縱騎士於中亦所以訓武也 是日扈從
官皆蒙頒賜獐鹿兔而內閣比諸人差厚云四年四
月六日辰刻

上御南薰殿召尚書王翱李賢馬昂學士彭時呂原
五人入侍命內侍三人鼓琴

上曰琴音和平足以養性情曩在南宮自撫一二曲
今不暇矣所傳曲調得於太監李永昌經事

先朝精於琴是三人者皆不及也賢等對曰由此不
輟亦可精矣因頓首曰願

皇上歌南風之詩以解民愠幸甚

上起入賜廂鶴頂博帶舉授五人者皆叩頭謝二十
日

上御西苑閱武臣騎射召賢五人侍是日所閱皆侯

伯都督都指揮指揮隸三營把總管操者總兵官會
昌侯孫繼祖廣寧侯劉安懷寧伯孫鏗都督趙輔具
名籍進呈令逐一馳馬射箭以三箭爲率

上親按籍記中否比中例試畢賜鈔有差總兵暨賢
五人各賜鈔十二月閱御監勇士騎射亦如之自是
將士咸感德畏威知所奮勵云常觀君臣之際上貴
致其禮下貴盡其誠若私昵媒褻流連光景殆非

聖祖所謂同遊之初意也已嘉靖十二年四月十三
日

上御環碧殿試演馬歌曰朱夏纔入四月中乘閒試

馬出深宮惟茲七馬壯且雄登霄未可擬跳澗或崢
嶸爰因演步至環碧命諸左右來輔弼同遊同遊兮
祖訓昭贊襄贊襄兮須竭力朕非商高宗諸輔勿我
棄早爲霖兮美作梅啓心務期沃朕心俾令湯孫繼
祖烈庶幾政化維日新

燕和

洪武二年十一月

上御外朝召學士宋濂危素詹同等飲親御翰墨
賦冬日詩諸臣皆和焉六年開局禁中修大明日曆
十一月十五日御史中丞誠意伯劉基借學士宋濂

詹同侍

上燕乾清宮之便閣同被酒而還時善書監生黃景
在館同愛其有俊才賦詩贈之字大如掌少選奉御
傳宣召濂等赴右順門會

上適乘輦而坐同餘醒猶未解

上謂之曰卿醉猶未醒邪同對曰在史館中猶能賦
詩贈黃秀才謂昶也

上曰詩何在同對曰在史館中

上顧濂亟取之既上奏

上笑謂濂曰朕即和同詩卿當爲朕書之濂於是受

命書焉同詩不過稱昶才美而

御製詩則并及君臣燕飲之故濂歸與昶言之以爲
詞垣盛事八月甲午

上觀水有上秋水賦者言不契道乃更爲之賦成召
學士宋濂等觀之且令各撰賦以進濂率同列撰成
俱于東黃閣次第投獻

上皆親覽焉復加品評於其間已而賜坐勅大官進
天厨奇珍內臣行觴

上顧濂曰卿何不盡飲濂出跪奏曰臣荷

陛下聖慈賜以醇醪敢不如詔第臣年衰邁恐志不

懾氣或愆於禮度無以上承寵光爾

上曰卿姑試之濂即席而飲將徹

上復顧曰卿宜更酌一觴濂再起固辭

上曰一觴豈解醉人乎卒飲之濂舉觴至口端又復
瑟縮者三

上嘆曰男子何不慷慨爲對曰天威咫尺間不敢重
有所瀆勉強一吸至盡

上大悅顧濂顏面變頰頓覺精神霞飄若行浮雲中
上復嘆曰卿宜自述一詩朕亦爲卿賦醉歌二奉御
捧黃綾案進

上揮翰如飛須臾成楚辭一章濂既醉下筆傾歌字
不成行甫綴五韻

上遽召至前命編修朱右重書以遺濂遂諭曰卿藏
之以示子孫非惟見朕寵愛卿亦可見一時君臣道
合共樂太平之盛也濂行五拜禮叩頭以謝

上更勅給事中宋善等賦醉學士歌云

宣宗尤喜爲詩初即位起學士李時勉而任用之一
日幸文淵閣賜諸學士飲呼時勉謂曰卿非朕安得
飲此酒時勉頓首謝他日侍遊東苑

上賜時勉酒酌以御甌時勉頓首辭曰臣可與

陛下同飲不敢同器

上悅命易以銀爵既醉

上出御製詩俾賡之宣德六年

上御製詩一章賜尚書胡濙蹇義大學士楊士奇楊榮且曰朕茂膺天眷惟爾四人贊翼之功賜宴盡歡而罷明日士奇榮各奉和以獻又嘗召大學士黃淮燕飲萬歲山淮獻詩他日

陛辭復燕飲于太液池

御製長歌以贈焉語在第五卷嗟乎虞廷喜起卷阿遊歌不聞久矣至我

朝而續夫燕所以示茲惠也詩所以道性情也燕飲賡和之際而至情藹然迥出千古

祖宗盛時上下之交有如是哉

召對

祖宗以來凡燕閒執政大臣左右近侍時常召見英宗嗣位此禮遂廢惟有大事則傳奉召之問對一二語遽出景泰中大臣專擅

英宗復辟始知其由乃親決章奏日與學士李賢

議之凡便殿入奏舊規每朝退獨進不侍呼召徑

詣入見以承顧問然同列彭時呂原恒不得與焉

上嘗謂景泰不理政務或用人陞官謝恩不知所以文武大臣未嘗接言上下之情如何得通賢曰自古明君嘗與大臣相接若接賢士大夫之時多親宦官宮妾之時少天下何患不治

上曰如此天下豈不治安又李東陽曰東陽自乙卯承乏內閣時

孝廟臨朝淵默自朝參復命經筵日講之外罕接天顏凡有擬奏陳說答問之類每用本票揭帖大則具題本雖日積月累往往不能盡弘治十年三月二十二日朝食前忽遣太監肅恭馳至閣亟呼曰宣四

先生叩其故曰不知臣溥臣健臣東陽臣遷亟具衣冠至文華殿叩頭畢

上曰近前於是直扣御榻司禮監取本皆環跪於案側

上曰看文書諸中官取本付臣溥等各一本

上曰與先生輩計較臣溥等看畢相與議定又分置朱硯朱筆授片紙數幅於臣東陽臣遷批辭以次陳奏得允乃錄於紙上以進

上覽畢親批本面或更定二三字或刪去一二句皆

應手疾書宸翰清逸畧無疑滯

上揮餘本謂左右曰此皆常行事不過該衙門知道耳乃皆叩頭退

上顧左右曰喫茶出文華殿尚膳監捧茶以俟

蓋時出急 召未有宿辦也自是平臺煖閣稍稍召對并及部院大臣詢其政務若欲復

祖宗之舊者及

孝肅太皇太后之喪議禮考文久或移處多或連日藹然若家人父子

上既明習國事天語嚴密議論層出或累數十句臣下雖承懽造膝欲盡一二語至無間可入或不竟其

